

**ხელშეკრულება სახელმწიფო შესყიდვის შესახებ N72
(NAT-180014712)**

დ.სტეფანწმინდა

15 ოქტომბერი 2018 წელი

ერთი მხრივ, ყაზბეგის მუნიციპალიტეტის მერია, წარმოდგენილი მუნიციპალიტეტის მერის, ალექსანდრე ზაგაშვილის სახით (შემდგომში - შემსყიდველი),

და მეორე მხრივ, შ.პ.ს „კასა ტრედი“, წარმოდგენილი დირექტორის ვლადიმერ აბაჯიანის სახით (შემდგომში - მომწოდებელი),

შემდგომში თითოეული ცალ-ცალკე წოდებული „როგორც „მხარე“, ხოლო ერთობლივად წოდებულნი, როგორც „მხარეები“, „სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ -სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT-180014712) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

მუხლი 1. შესყიდვის ობიექტის დასახელება და შესაბამისი CPV კოდი

1. ხელშეკრულებით გათვალისწინებულ შესყიდვის ობიექტს წარმოადგენს აეტომატური დაშვების და გადახდის სისტემა გუდაური/ყაზბეგის პანორამაზე. (შემდგომში მომსახურება).
2. ამ მუხლის პირველი პუნქტით გათვალისწინებული შესყიდვის ობიექტის CPV კოდია: 72200000 (72212421- პროგრამული უზრუნველყოფის შემუშავება ობიექტების ტექნიკური მომსახურებისათვის).

მუხლი 2. ხელშეკრულების ღირებულება

ხელშეკრულების ღირებულება შეადგენს 45885 (ორმოცდახუთი ათას რვაას ოთხმოცდახუთი) ლარს, საქართველოს კანონმდებლობით გათვალისწინებული გადასახადების ჩათვლით.

მუხლი 3. მომსახურების გაწევის ვადა

1. მიმწოდებელი ვალდებულია ხელშეკრულებით გათვალისწინებული მომსახურება განახორციელოს ხელშეკრულების გაფორმებიდან 60(სამოცი) კალენდარული დღის ვადაში, 2018 წლის 15 დეკემბრამდე.
2. მიმწოდებელი ვალდებულია მომსახურება დაიწყოს ხელშეკრულების გაფორმებიდან 3 (სამი) კალენდარული დღის ვადაში.
3. მიმწოდებელი ვალდებულია, ამ მუხლის პირველი პუნქტით განსაზღვრულ ვადაში, მომსახურება განახორციელოს ხელშეკრულებაზე თანდართული, სატენდერო დოკუმენტაციით განსაზღვრული ფორმით წარდგენილი, გასაწევი მომსახურების გეგმა-გრაფიკის შესაბამისად.

მუხლი 4. ანგარიშსწორების წესი

1. ხელშეკრულების ფარგლებში ანგარიშსწორება იწარმოება უნაღდო ანგარიშსწორების ფორმით, საქართველოს ეროვნულ ვალუტაში, ხელშეკრულებით გათვალისწინებულ რეკვიზიტებზე.
2. მიმწოდებლის წერილობითი მომართვის საფუძველზე, ანგარიშსწორება შესაძლებელია განხორციელდეს ეტაპობრივად, თვეში ერთხელ, შუალედურად გაწეული მომსახურების ღირებულების შესაბამისად, საქართველოს კანონმდებლობით გათვალისწინებული დოკუმენტების დადასტურებიდან და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.
3. საბოლოო ანგარიშსწორება განხორციელდება გაწეული მომსახურების მოცულობებისა და ხარისხის შესაბამისობაზე ექსპერტიზის დასკვნის (აღნიშნული დასკვნ(ებ)ის ღირებულება უნდა დაფაროს მიმწოდებელმა საკუთარი ხარჯებით) წარმოდგენის შემდეგ. ექსპერტიზის დასკვნა გაცემული უნდა იყოს სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ს ან სხვა აკრედიტებული პირის მიერ (იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, მიმწოდებელმა დამატებით უნდა წარმოადგინოს დასკვნის გამცემი პირის აკრედიტაციის დამადასტურებელი დოკუმენტის ასლი (აკრედიტაციის სფერო უნდა ფარავდეს მოთხოვნილ მომსახურებას);.

მუხლი 5. წინასწარი ანგარიშსწორების პირობები

1. მიმწოდებელი უფლებამოსილია, შემსყიდველს წარუდგინოს წერილობითი თხოვნა წინასწარი ანგარიშსწორების თანხის (შემდგომში - ავანსი) გადახდის თაობაზე.
2. მიმწოდებელი არ არის უფლებამოსილი, შემსყიდველს წარუდგინოს წერილობითი თხოვნა ავანსის გადახდის თაობაზე, თუ იგი რეგისტრირებულია მოვალეთა რეესტრში, მის მიმართ რეგისტრირებულია საგადასახადო გირავნობა ან/და ყადაღა. მიმწოდებელი ვალდებულია, შემსყიდველს წარუდგინოს შესაბამისი დოკუმენტები (განახლებული ინფორმაცია საგადასახადო გირავნობის ან/და ყადაღის თაობაზე), რომლითაც დასტურდება მის მიმართ ამ პუნქტში განსაზღვრული ვალდებულებების რეგისტრაციის არარსებობა.
3. შემსყიდველის მიერ ავანსის გადახდასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია, შემსყიდველს წარუდგინოს სსიპ - საქართველოს ეროვნული ბანკის ან სსიპ - საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულების ან სადაზღვევო ორგანიზაციის მიერ გაცემული, ავანსის იდენტური ოდენობის საბანკო გარანტია, რომლის მოქმედების ვადა 60 (სამოცი) კალენდარული დღით უნდა აღემატებოდეს სამუშაოების დასრულების ვადას.
4. ავანსის იდენტური ოდენობის საბანკო გარანტია თავისი შინაარსით უნდა იყოს უპირობო და შემსყიდველს უნდა აძლევდეს უფლებას, ავანსის იდენტური ოდენობის საბანკო გარანტიის გამცემი დაწესებულებისგან პირველივე მოთხოვნისთანავე მიიღოს შესაბამისი თანხა.
5. მიმწოდებლისთვის გადასახდელი ავანსი ჯამში არ უნდა აღემატებოდეს ხელშეკრულების ღირებულების 20 %-ს.
6. მიმწოდებელი ვალდებულია ავანსი გამოიყენოს მხოლოდ ხელშეკრულებასთან დაკავშირებული ვალდებულებების შესასრულებლად.
7. ავანსის გაქვითვა მოხდება პროპორციულად, ფაქტობრივად გაწეული მომსახურების ღირებულების 20%-ის ოდენობით.
8. ავანსის გადახდა მოხდება უნაღდო ანგარიშსწორების ფორმით მიმწოდებლის მიერ ამ მუხლის მე-3 პუნქტით გათვალისწინებული საბანკო გარანტიის შემსყიდველისთვის წარდგენის შემდეგ.

მუხლი 6. გაწეული მომსახურების საგარანტიო ვადა

1. გაწეული მომსახურების საგარანტიო ვადა შეადგენს საბოლოო მიღება-ჩაბარების აქტის გაფორმებიდან 2 (ორი) წელს.
2. ამ მუხლის პირველი პუნქტით განსაზღვრული, გაწეული მომსახურების საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, მიმწოდებელი ვალდებულია შეტყობინების მიღებიდან, შემსყიდველის მიერ განსაზღვრულ გონივრულ ვადაში, საკუთარი ხარჯებით უზრუნველყოს მისი აღმოფხვრა.
3. მომსახურების ხარისხის დაცვის მიზნით, შემსყიდველის მიერ ყოველი გაწეული მომსახურების ღირებულებიდან დაკავებული იქნება გაწეული მომსახურების ღირებულების 5%, რომლის პირველი ნახევრის (2.5%) დაბრუნება მოხდება ხელშეკრულებით გათვალისწინებული მომსახურების სრულად დასრულებისა და შემსყიდველის მიერ საბოლოო მიღება-ჩაბარების აქტის გაფორმების შემდეგ.
4. იმ შემთხვევაში, თუ შემსყიდველის მიერ შექმნილი ინსპექტირების ჯგუფის ან სპეციალური კომისიის მიერ საბოლოო მიღება-ჩაბარების აქტის შედგენისას დაფიქსირებული იქნება გაწეული მომსახურების ნაკლი ან უხარისხობა, მიმწოდებელს ამ მუხლის მე-3 პუნქტში განსაზღვრული გაწეული მომსახურების დაცვის მიზნით დაკავებული თანხის პირველი ნახევარი არ აუნაზღაურდება გაწეული მომსახურების დეფექტ(ებ)ის გამოსწორებამდე.
5. მიმწოდებელი ვალდებულია ამ მუხლის მე-4 პუნქტით გათვალისწინებულ შემთხვევაში, უზრუნველყოს დაფიქსირებული დეფექტ(ებ)ის გამოსწორება. დაფიქსირებული დეფექტ(ებ)ის გამოუსწორებლობის შემთხვევაში, შემსყიდველი უფლებამოსილია მიმწოდებელის დააკისროს პირგასამტებლო ხელშეკრულების მე-12 მუხლის პირველი პუნქტის შესაბამისად.
6. გაწეული მომსახურების ხარისხის დაცვის მიზნით, შემსყიდველის მიერ ყოველი გაწეული მომსახურების ღირებულებიდან დაკავებული მეორე ნახევრის (2.5%) დაბრუნება მოხდება ერთი წლის გასვლის შემდეგ, თუ შემსყიდველის მიერ შექმნილი ინსპექტირების ჯგუფის ან სპეციალური კომისიის მიერ დეფექტ(ებ)ის არარსებობის შესახებ შემსყიდველისთვის წარდგენილი იქნა შესაბამისი აქტი, რომლითაც დადასტურდება დეფექტ(ებ)ის არარსებობა.

7. შემსრულებელი უფლებამოსილია მოითხოვოს ამ მუხლის მე-6 პუნქტით გათვალისწინებული ხარისხის დაცვის მიზნით დაკავებული თანხის ანაზღაურება სსიპ - საქართველოს ეროვნული ბანკის ან სსიპ - საქართველოს დაზღვევის სახელმწიფო ზედამხედველობის სამსახურის მიერ ლიცენზირებული საბანკო დაწესებულების ან სადაზღვევო ორგანიზაციის მიერ დაკავებული თანხის იდენტური ოდენობის გარანტიის წარდგენის საფუძველზე. გარანტია უნდა იყოს უპირობო, გამოუხმობადი და შემსყიდველ ორგანიზაციას უნდა აძლევდეს უფლებას გარანტიის გამცემისგან, პირველივე მოთხოვნისთანავე, მიიღოს შესაბამისი თანხა. გარანტიის მოქმედების ვადა უნდა აღემატებოდეს სამუშაოს ხარისხის დაცვის მიზნით დაკავებული თანხის დაბრუნების ვადას არანაკლებ 30 (ოცდაათი) კალენდარული დღით.

8. იმ შემთხვევაში, თუ სხვადასხვა მიზეზების გამო მიმწოდებელი ვერ/არ უზრუნველყოფს ამ მუხლის მე-4 ან მე-6 პუნქტში აღნიშნული დეფექტ(ებ)ის აღმოფხვრას, შემსყიდველი ან/და მის მიერ შერჩეული საექსპერტო დაწესებულება შეაფასებს ამ დეფექტ(ებ)ის აღმოფხვრისათვის ჩასატარებელი სამუშაოების ღირებულებას.

9. ამ მუხლის მე-8 პუნქტით გათვალისწინებულ შემთხვევაში შემსყიდველი მიმწოდებელს არ აუნაზღაურებს დეფექტ(ებ)ის აღმოფხვრისათვის გაწეული მომსახურების ღირებულების თანხას, მომსახურების ხარისხის დაცვის მიზნით დაკავებული თანხიდან. იმ შემთხვევაში თუ გაწეული მომსახურების ხარისხის დაცვის მიზნით განსაზღვრული ვადის გასვლამდე, გამოვლენილი დეფექტ(ებ)ის აღმოფხვრისათვის საჭირო თანხა აღემატება მომსახურების ხარისხის დაცვის მიზნით დაკავებულ თანხას, მიმწოდებელი ვალდებულია გადაუხადოს შემსყიდველს შესაბამისი ნარჩენი ღირებულება, ან აღმოფხვრას წუნი საკუთარი ხარჯებით.

10. მომსახურების ხარისხის დაცვის მიზნით შემდეგ მიმწოდებელი ვალდებულია 3 (სამი) თვის ვადაში მიმართოს შემსყიდველს დაკავებული თანხის დაბრუნების თაობაზე. იმ შემთხვევაში, თუ მიმწოდებელი მითითებულ ვადაში არ მიმართავს შემსყიდველს თანხის დაბრუნების თაობაზე, მიმწოდებელს აღნიშნული თანხა არ აუნაზღაურდება.

მუხლი 7. მომსახურების შესაბამისობა

1. ხელშეკრულების პირველი მუხლით გათვალისწინებული მომსახურება მიმწოდებლის მიერ უნდა შესრულდეს ჯეროვნად, , ტექნიკური დავალების, საქართველოს კანონმდებლობით გათვალისწინებული შესაბამისი გარემოსდაცვითი (არსებობის შემთხვევაში) ნორმებისა და წესების და შემსყიდველის მოთხოვნების შესაბამისად.

2. ამ მუხლის პირველ პუნქტში განსაზღვრული წესებიდან და ნორმებიდან მიმწოდებლის მხრიდან ნებისმიერი გადახვევის შემთხვევაში, შემსყიდველი უფლებამოსილია, არ მიიღოს გაწეული მომსახურება ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 8. მომსახურების მიღება-ჩაბარების წესი

1. მიმწოდებელი უფლებამოსილია შემსყიდველისათვის გაწეული მომსახურების წარდგენა განახორციელოს ეტაპობრივად, თვეში ერთხელ.

2. მიმწოდებლის მიერ წარდგენილი გაწეული მომსახურება მიღებულად ჩაითვლება საქართველოს კანონმდებლობით გათვალისწინებული დოკუმენტების დადასტურებიდან და მიღება-ჩაბარების აქტის გაფორმების შემდეგ.

3. ხელშეკრულების ფარგლებში გასაწევი, მიმდინარე და გაწეული მომსახურების შემოწმებას ახორციელებს მუნიციპალიტეტის მერიის არქიტექტურულ-სამშენებლო საქმიანობაზე ზედამხედველობის სამსახური რომელიც ადგილზე ამოწმებს ხელშეკრულებით განსაზღვრული გეგმა-გრაფიკის შესაბამისად გაწეული მომსახურების მოცულობას და ხარისხს.

მუხლი 9. მხარეთა უფლება-მოვალეობანი

მიმწოდებელი ვალდებულია:

ა) უზრუნველყოს მომსახურების დაწყება ხელშეკრულების გაფორმებიდან 3 (სამი) კალენდარული დღის განმავლობაში;

ბ) მომსახურების გაწევის პროცესში იხელმძღვანელოს ხელშეკრულების მე-7 მუხლის პირველ პუნქტში გათვალისწინებული მოთხოვნების შესაბამისად;

გ) მომსახურება გაწიოს სხელშეკრულების მე-3 მუხლში განსაზღვრულ ვადაში და პირობებით;

დ) მომსახურება გაწიოს ხელშეკრულებაზე თანდართული მომსახურების შესრულების გეგმა-გრაფიკის შესაბამისად;

ე) შემსყიდველთან შეთანხმოს მომსახურების განხორციელებისას გამოსაყენებელი მასალ(ებ)ის იერსახე და ხარისხი;

ვ) იმ შემთხვევაში, თუ გამოვლინდება, რომ მიმწოდებლის მიერ რომელიმე კონკრეტული მომსახურების გაწევისათვის მიმწოდებელს არ აქვს მოპოვებული საჭირო დოკუმენტაცია ან ნებართვა, მიმწოდებელი ვალდებულია, სათანადო დოკუმენტაციის ან ნებართვის მოპოვებამდე შეაჩეროს აღნიშნული მომსახურების განხორციელება და დაუყოვნებლივ გაატაროს შესაბამისი ღონისძიებები მათ მოსაპოვებლად;

ზ) საკუთარი ხარჯებით უზრუნველყოს ხელშეკრულებით გათვალისწინებული ინსპექტირების შედეგად და ხელშეკრულების მე-6 მუხლით განსაზღვრული წესით გამოვლენილი ყველა დეფექტ(ებ)ის აღმოფხვრა;

თ) შემსყიდველს უმოკლეს ვადაში აცნობოს მისი მოსალოდნელი რეორგანიზაციის ან ლიკვიდაციის შესახებ;

ი) დაიცვას შემსყიდველის მიერ მისთვის გადაცემული გარემოზე ზემოქმედების შეფასების ანგარიშის, ეკოლოგიური ექსპერტიზის დასკვნისა და გარემოსდაცვითი მართვის გეგმის მოთხოვნები და პირობები (მათი არსებობის შემთხვევაში).

2. შემსყიდველი ვალდებულია, შეუფერხებლად აუნაზღაუროს მიმწოდებელს გაწეული მომსახურების ღირებულება ხელშეკრულებით გათვალისწინებული პირობებისა და ვადების შესაბამისად.

3. შემსყიდველი უფლებამოსილია:

ა) ნებისმიერ დროს განხორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) არ ჩაიბაროს რაოდენობრივად, ხარისხობრივად ან უფლებრივად ნაკლიანი გაწეული მომსახურება.

მუხლი 10. კონტროლი (ინსპექტირება)

1. ხელშეკრულებით გათვალისწინებული ვალდებულებების შესრულების, გაწეული მომსახურების მოცულობის, ხარისხისა და შესრულების ვადების დაცვის კონტროლს (ინსპექტირება) ახორციელებს მუნიციპალიტეტის მერიის არქიტექტურულ-სამშენებლო საქმიანობაზე ზედამხედველობის სამსახური ან მის მიერ შექმნილი ინსპექტირების ჯგუფი/სპეციალური კომისია.

2. ხელშეკრულების მოქმედების პერიოდში, ხელშეკრულების შესრულების ნებისმიერ ეტაპზე, შემსყიდველი უფლებამოსილია, განხორციელოს ხელშეკრულებით გათვალისწინებული ვალდებულებების შესრულების კონტროლი (ინსპექტირება).

3. მიმწოდებელი ვალდებულია, საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებითა და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მორწეულ პერსონალს, მის შრომის ანაზღაურებას უზრუნველყოფს თვით შემსყიდველი.

4. მიმწოდებელი ვალდებულია, საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტ(ებ)ის აღმოფხვრა და კონტროლის (ინსპექტირების) ხელახლა განხორციელებასთან დაკავშირებული ხარჯების ანაზღაურება.

5. მომსახურების გაწევის პროცესში, მიმწოდებელი ვალდებულია უზრუნველყოს ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი, ასევე, წერილობითი რეკომენდაციების და მითითებების შესრულება.

6. მომსახურების გაწევაზე შემსყიდველის მიერ შექმნილი ინსპექტირების ჯგუფი ან სპეციალური კომისია კონტროლს (ინსპექტირებას) აწარმოებს საქართველოს კანონმდებლობის, საპროექტო დოკუმენტაციის, სპეციფიკაციების, ტექნიკური დავალებისა და ხელშეკრულების პირობების შესაბამისად, რომელთა დარღვევის შემთხვევაში შემსყიდველი უფლებამოსილია, შეაჩეროს მომსახურების მიმდინარეობა და განახორციელოს ხელშეკრულებით და საქართველოს კანონმდებლობით გათვალისწინებული ზომები.

7. ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების შემთხვევაში შემსყიდველის, მიმწოდებლისა და ხელშეკრულების კონტროლის (ინსპექტირება) მიზნით შერჩეული სხვა პირ(ებ)ის მონაწილეობით ფორმდება შესაბამისი აქტი, სადაც დეტალურად აღიწერება ხელშეკრულებით განსაზღვრული ვალდებულებ(ებ)ის შეუსრულებლობის ან არაჯეროვანი შესრულების მიზეზ(ებ)ი. თუ მიმწოდებლის წარმომადგენელი უარს აცხადებს ამ პუნქტში აღნიშნული აქტის შედგენაში მონაწილეობაზე, ხსენებული ფიქსირდება ამავე აქტში და იგი იწვევს იმავე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. მომსახურების არაჯეროვნად გაწევის შემთხვევაში მიმწოდებელი ვალდებულია, თავისი სახსრებით დაუყოვნებლივ აღმოფხვრას

დეფექტ(ებ)ი. მომსახურების არაჯეროვნად შესრულების შემთხვევაში მიმწოდებელს არ უნაზღაურდება დეფექტ(ებ)ით გაწეული მომსახურების ღირებულება.

8. იმ შემთხვევაში, თუ მიმწოდებლის მხრიდან გაწეულ მომსახურებაზე შემსყიდველისთვის წარდგენილი მოცულობები შემსყიდველის მიერ გადამოწმების შემთხვევაში არ შეესაბამება რეალობას, შემსყიდველი ამ მუხლის მე-7 პუნქტით გათვალისწინებული აქტის შედგენის შემდეგ არ უნაზღაურებს მიმწოდებელს აღნიშნულ მომსახურების ღირებულებას და განიხილავს მიმწოდებლის პასუხისმგებლობის საკითხს ხელშეკრულებისა და საქართველოს კანონმდებლობის შესაბამისად.

მუხლი 11. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვნად შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი საგარეუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორის არსებობის დამადასტურებელი დოკუმენტი, და დაასაბუთოს, რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 12. პასუხისმგებლობა

1. ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად შესრულებისათვის დამრღვევი მხარე ვალდებულია, მეორე მხარეს მოთხოვნისთანავე გადაუხადოს პირგასამტეხლოს სახით ხელშეკრულების ღირებულების 1% ასეთი მოთხოვნის მიღებიდან არაუგვიანეს 5 (ხუთი) სამუშაო დღეში და უზრუნველყოს დამრღვევი ვალდებულების დაუყოვნებლივ გამოსწორება, გარდა ამ მუხლის მეორე პუნქტით განსაზღვრული შემთხვევისა.

2. მიმწოდებლის მიერ ხელშეკრულების დანართით განსაზღვრული მომსახურებების გაწევის გეგმა-გრადიკის დარღვევის შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე, ხელშეკრულების ღირებულების 0.02%-ის ოდენობით.

3. იმ შემთხვევაში, თუ ხელშეკრულებით გათვალისწინებული ვალდებულებ(ებ)ის დარღვევის გამო მიმწოდებლისთვის დაკისრებული პირგასამტეხლოს ჯამური თანხა გადაჭარბებს ხელშეკრულების საერთო ღირებულების 2%-ს, შემსყიდველს უფლება აქვს, ცალმხრივად შეწყვიტოს ხელშეკრულება.

4. ამ მუხლის პირველი პუნქტის საფუძველზე მიმწოდებლისთვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს გაწეული მომსახურების ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.

5. მიმწოდებლის მიერ ხელშეკრულებით გათვალისწინებული ვალდებულებ(ებ)ის შეუსრულებლობით ან არაჯეროვნად შესრულებით მესამე პირისათვის მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.

6. მიმწოდებლის მიერ ჩადენილი საქართველოს ადმინისტრაციულ სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

7. შემსყიდველის მიერ მიმწოდებლისათვის გადაცემული გარემოზე ზემოქმედების შეფასების ანგარიშის, ეკოლოგიური ექსპერტიზის დასკვნითა და გარემოსდაცვითი მართვის გეგმის მოთხოვნებითა და პირობებით (მათი არსებობის შემთხვევაში) გათვალისწინებული ვალდებულებ(ებ)ის შეუსრულებლობით გამოწვეული ზიანისათვის პასუხისმგებლობა ეკისრება მიმწოდებელს.

8. მიმწოდებელს ეკისრება სრული პასუხისმგებლობა ტექნიკური დავალებით გათვალისწინებული ვალდებულებ(ებ)ის დარღვევის შემთხვევაში წარმოშობილ ზიანზე.

მუხლი 13. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.
3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.
4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.
5. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება თუ:
 - ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;
 - ბ) მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მიუხედავად მისი დაწყების დროისა);
 - გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულები გათვალისწინებული ვალდებულებ(ებ)ის შესრულებაზე;
 - დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;
 - ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 2%-ს;
 - ვ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;
 - ზ) ხელშეკრულების ფარგლებში შესასრულებელი სამუშაო სრულად გადასცა ქვეკონტრაქტორს;
 - თ) საქართველოს კანონმდებლობით გათვალისწინებულ სხვა შემთხვევებში.
6. მიმწოდებლის მიერ ხელშეკრულების თვითნებურად შეწყვეტის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით.

მუხლი 14. უფლებების გადაცემა

1. ხელშეკრულების არც ერთ მხარეს არა აქვს უფლება, გადასცეს მესამე პირს ხელშეკრულებით განსაზღვრული თავისი უფლებები და მოვალეობები მეორე მხარის წერილობითი თანხმობის გარეშე.
2. ხელშეკრულების ფარგლებში მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

მუხლი 15. ქვეკონტრაქტორ(ებ)ი და მიმწოდებლის პერსონალი

1. დაუშვებელია ქვეკონტრაქტორ(ებ)ის შესასრულებლად გადაეცეს გასაწევი მომსახურების ჯამური მოცულობის 40%-ზე მეტი;
2. ხელშეკრულებით განსაზღვრული მომსახურების ნაწილის ქვეკონტრაქტორ(ებ)ზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებ(ებ)ისგან და აღნიშნული მომსახურების გაწევაზე შემყიდველთან პასუხისმგებელია მიმწოდებელი.
3. მიმწოდებელი ვალდებულია წერილობით აცნობოს შემსყიდველს ხელშეკრულების ფარგლებში, ქვეკონტრაქტორ(ებ)თან ხელშეკრულებ(ებ)ის დადების თაობაზე და მიიღოს მისგან წერილობითი თანხმობა აღნიშნულზე. ამ მიზნით, შემსყიდველს წარედგინება ქვეკონტრაქტორ(ებ)ის მიერ გაწეული მომსახურების (დასახელება) ღირებულების მითითებით და გასაფორმებელი ქვეკონტრაქტ(ებ)ის ასლი.
4. მიმწოდებელი ვალდებულია ქვეკონტრაქტორ(ებ)თან დადებული ხელშეკრულებ(ებ)ის ასლ(ებ)ი წარუდგინოს შემსყიდველს, აღნიშნული ხელშეკრულებ(ებ)ის გაფორმებისთანავე, მაგრამ არაუგვიანეს 5 (ხუთი) კალენდარული დღის ვადაში.

მუხლი 16. შეტყობინება

1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, უნდა გაიგზავნოს წერილის, დეპეშის, ოფიციალური ელექტრონული ფოსტის (შემსყიდველის შემთხვევაში - @)

ან ფაქტის სახით, ორიგინალის შემდგომი წარდგენით, ხელშეკრულებაში მითითებულ მეორე მხარის მისამართზე.
2. შეტყობინება ძალაში შედის ადრესატის მიერ მისი მიღების დღეს ან შეტყობინებაში ძალაში შესვლისათვის დადგენილ დღეს იმის მიხედვით, თუ ამ თარიღებიდან რომელი უფრო გვიან დგება.

მუხლი 17. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.
2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, რა დროსაც დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
3. ხელშეკრულება რეგულირდება საქართველოს კანონმდებლობით.
4. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.
5. ხელშეკრულება შედგენილია ქართულ ენაზე, 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ორი პირი - შემსყიდველთან და ერთი პირი - მიმწოდებელთან).
6. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
7. მიმწოდებლის სატენდერო წინადადება, ხარჯთაღრიცხვა, მომსახურების გაწევის გეგმა-გრაფიკი, ტექნიკური დავალება, თან ერთვის ხელშეკრულებას და წარმოადგენს მის განუყოფელ ნაწილს.

მუხლი 18. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელმოწერის დღიდან 2018 წლის 15 იანვრის ჩათვლით, გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე.

მხარეთა ხელმოწერები:

შემსყიდველი:

ყაზბეგის მუნიციპალიტეტი
ს. კოდი: №241499473
მისამართი :დ.სტეფანწმინდა
აღ.ყაზბეგის ქ.№1
ტელეფონი: 555232023

მიმწოდებელი:

შ.პ.ს. "კასა ტრეიდი"
ს. კოდი: 206344213
მისამართი : თბილისი
ქეთევან წამებულის ქ. №90
ტელეფონი: 0322555999
საბანკო რეკვიზიტები:
სს. საქართველოს ბანკი
ბანკის კოდი: BAGAGE22
აა: GE11BG000000607880600GEL

ყაზბეგის მუნიციპალიტეტის მერი
ალექსანდრე ზაგაშვილი

ხელმოწერა

ბ.ა

დირექტორი

ვლადიმერ აბაჯიანი

ხელმოწერა

ბ.ა

ტექნიკური დავალება:

ტექნიკური დავალება შედგება აპარატურულ პროგრამული კომპლექსის აღწერილობით:
შლაგაუმი

1. დაშვების/შესვლის ტერმინალი მსუბუქი ავტომობილებისათვის და ავტობუსებისათვის
2. გადახდის ავტომატური ტერმინალი მსუბუქი ავტომობილებისათვის
3. გადახდის სისტემა ჯიხურისთვის (ავტობუსებისათვის)
4. მთლიანი სისტემის პროგრამული უზრუნველყოფა

შლაგაუმი

ინტენსიური გამოყენების შლაგაუმი, ისრის სიგრძით არანაკლებ 5 მეტრი და არაუმეტეს 6 მეტრი. გააჩნია უსაფრთხოების განათება (ციმციმა) ისრის მოძრაობის დროს. სამუშაო ტემპერატურა არის -20-დან +55 გრადუსამდე. შლაგაუმს მოყვება უსაფრთხოების ფოტო ელემენტები ადამიანის ან მანქანის გავლის დროს რომ არ მოხდეს შლაგაუმის ისრის დახურვა. ასევე შლაგაუმს მოყვება ინდუქტიური პეტლის კონტროლერი ავტომობილების შლაგაუმთან მისვლის და გასვლის იდენტიფიცირებისათვის. შლაგაუმი არის გარე გამოყენების და მტვერ/წყალ დაცულობა არანაკლებ IP54 სტანდარტის. შლაგაუმის სამუშაო დენი არის 210-230V.

1. დაშვების/შესვლის აპარატი.

ა) დაშვების აპარატის მსუბუქი ავტომობილებისათვის: აპარატის ზომების არაუმეტეს სიმაღლე 140-სმ; სიღრმე 35-სმ; სიგანე 30-სმ იმისთვის რომ მარტივი იყოს როგორც მსუბუქი ავტომობილიდან ასევე მაღალი გამავლობის ავტომობილიდან ბარათის აღება. აპარატის კარკასი დამზადებულია მინიმუმ 1.4მმ რკინისაგან და უნდა იყოს powder coating-ის ტექნოლოგიით შეღებილი, რაც აუცილებელია გუდაურის რთული კლიმატში აპარატის კარკასის ხანგრძლივი მუშაობისათვის. აპარატი იძლევა პლასტიკურ ბარათებს Mifare 1k სტანდარტის. აპარატში ეტევა არანაკლებ 350 ბარათი. ასევე აპარატს შეუძლია ბარათების მიღება იმ შემთხვევაში თუ ეს არის თანამშრომლის ან აბონიმენტიანი ვიზიტორის ბარათი. დაშვების აპარატს აქვს ფერადი ეკრანი ანარაკლებ 7" დუიშის ზომის, ეკრანის სიკაშკაშე არის არანაკლებ 800Nit იმისათვის რომ ინფორმაციის გარჩევადობა იყოს მზის შუქის ქვეშაც. აპარატს შეუძლია როგორც Ethernet ქსელში მუშაობა ასევე 4G GSM ქსელში. ასევე აპარატს შეუძლია ქსელთან/სერვერთან კავშირის გარეშე ე.წ. Offline-ზე მუშაობა ულიმიტოდ. კავშირის გამყარების შემდგომ შენახული ინფორმაცია გაიზიარება ავტომატურად სერვერულ პროგრამულ უზრუნველყოფაში. მუშაობის პრინციპი: ავტომობილის შემსვლელ აპარატთან მისვლის შემდგომ გზის საფარში ჩაყენებული სენსორების მიხედვით აქტიურდება აპარატი. აპარატზე დილაკის დაჭერის შემდგომ აპარატი იძლევა ბარათს, ბარათის ფიზიკურად აღების შემდგომ იწვევს შლაგაუმს.

ბ) დაშვების აპარატი ავტობუსებისათვის: აპარატის ზომების არაუმეტეს სიმაღლე 220-სმ; სიღრმე 35-სმ; სიგანე 30-სმ იმისთვის რომ მარტივი იყოს როგორც მსუბუქი ავტომობილიდან ასევე მაღალი გამავლობის ავტომობილიდან ბარათის აღება. აპარატის კარკასი დამზადებულია მინიმუმ 1.4მმ რკინისაგან და არის powder coating-ის ტექნოლოგიით შეღებილი, რაც

აუცილებელია გუდაურის რთული კლიმატში აპარატის კარკასის ხანგრძლივი მუშაობისათვის. აპარატი იძლევა პლასტიკურ ბარათებს Mifare 1k სტანდარტის. აპარატში ეტევა არანაკლებ 350 ბარათი. ასევე აპარატს შეუძლია ბარათების მიღება იმ შემთხვევაში თუ ეს არის თანამშრომლის ან აბონიშენტიანი ვიზიტორის ბარათი. დაშვების აპარატს აქვს ფერადი ეკრანი ანარაკლებ 7" დუიმიზ ზომის, ეკრანის სიკაშკაშე არის 800nit იმისათვის რომ ინფორმაციის გარჩევადობა იყოს მზის შუქის ქვეშაც. აპარატს შეუძლია როგორც Ethernet ქსელში მუშაობა ასევე 4G GSM ქსელში. ასევე აპარატმა შეუძლია ქსელთან/სერვერთან კავშირის გარეშე ე.წ. Offline-ზე მუშაობა ულიმიტოდ. კავშირის გამყარების შემდგომ შენახული ინფორმაცია გაიგზავნება ავტომატურად სერვერულ პროგრამულ უზრუნველყოფაში. მუშაობის პრინციპი: ავტომატილის შემსვლელ აპარატთან მისვლის შემდგომ გზის საფარში ჩაყენებული სენსორების მიხედვით აქტიურდება აპარატი. აპარატზე ლილაკის დაჭერის შემდგომ აპარატი იძლევა ბარათის, ბარათის ფიზიკურად აღების შემდგომ იწევა შლაგბაუმი.

2. გადახდის ავტომატური ტერმინალი მსუბუქი ავტომატილებისათვის გადახდის აპარატი ზომები არაუმეტეს: სიმაღლე 165-სმ; სიღრმე 35-სმ; სიგანე 50-სმ იმისთვის რომ მარტივი იყოს როგორც მსუბუქი ავტომატილიდან ასევე მაღალი გამავლობის ავტომატილიდან გადახდის განხორციელება.

აპარატის მუშაობის პრინციპი: ავტომატილის აპარატთან მისვლის შემდგომ აქტიურდება აპარატი, აპარატში შემსვლელ აპარატიდან აღებული ბარათის მოთავსების შემდგომ აპარატი ითვლის პარკინგზე დგომის მიხედვით გადასახდელ თანხას. აპარატში შესაძლებელია ხურდა და ქაღალდის ფულით გადახდა. ზედმეტი თანხის გადახდის შემთხვევაში აპარატმა უნდა შეძლოს ხურდის დაბრუნება ხურდით. ხურდის აპარატი იქნება "recycle" ტიპის ანუ თვით შევსების საშუალებით.

აპარატის ტექნიკური მახასიათებლები:

ქაღალდის ფულის მიმღები: კუპიურების მიღების პროცენტულობა არანაკლებ 98%, კუპიურების მხარდაჭერა - 5,10,20,50 ლარიანი როგორც ძველი ასევე ახალი მოდიფიკირების. ფულის ყალბობაზე შემოწმება ოპტიკური, ინდუქტორი, დიელექტრიკული და ულტრაიისფერ ფერის სენსორებით. კუპიურის მიღების სიჩქარე არაუმეტეს 2.5 წამი. კუპიურების საცავი ე.წ. კასეტა გათვლილია 300 კუპიურაზე. კასეტა იხსნება მხოლოდ გასაღებით.

ხურდა ფულის მიმღები/გამცემი: არანაკლებ 4 სექცია ხურდა ფულის შესანახად. აქვს 50 თეთრიანი, 1 ლარიანი და 2 ლარიანი ხურდის მხარდაჭერა. აპარატში ეტევა არანაკლებ 200 ლარი ხურდა.

აპარატს აქვს არანაკლებ 12' დუიმიანი ეკრანი არასენსორული, ასევე აპარატს აქვს ბარათის მიმღები/ჩამცლაპავი აპარატი რომელიც მიიღებს ვიზიტორების ბარათებს. აპარატს აქვს საქართველოს საგადასახადოში მიღებულ ყველა სალარო აპარატის მხარდაჭერა. ასევე აპარატზე მხოლოდ სპეციალური ბარათის დადების შემდგომ იქნება შესაძლებელი ფულის გამოტანა, ფულის შეტანა, Z-რეპორტის ამოღება და X-რეპორტის ამოღება. აპარატს ასევე აქვს დაკარგული ბარათების ჯარიმის გადახდის საშუალება, ჯარიმის ოდენობა დაყენდება სერვერულ პროგრამულ უზრუნველყოფიდან.

აპარატი მუშაობს -20 - +60 გრადუსამდე და გააჩნია შიდა გამათბობელი ტემპერატურის შენარჩუნებისათვის აპარატში. ანარაკლებ 1.48მ-ის რკინის კარკასი არის "Powder Coating"-ის ტექნოლოგიით შეღებილი. აპარატს შეუძლია როგორც Ethernet ქსელში მუშაობა ასევე 4G GSM ქსელში. ასევე აპარატს შეუძლია ქსელთან/სერვერთან კავშირის გარეშე ე.წ. Offline-ზე

მუშაობა ულიმიტოდ. კავშირის დამყარების შემდგომ შენახული ინფორმაცია გაიგზავნება ავტომატურად სერვერულ პროგრამულ უზრუნველყოფაში.

3. გადახდის სისტემა ჯიხურისთვის (ავტოზუსებისათვის)

მექანიკური სალარო შედგება შემდეგ კომპონენტებისაგან: კომპიუტერი, ფულის უჯრა, UPS, ბარათის წამკითხველი და მოლარის პროგრამული უზრუნველყოფა. მოლარეს პროგრამულ უზრუნველყოფაში მომხმარებლის სახელის და პაროლის შეყვანის შემდგომ ოპერატორს შეეძლება გადახდების მიღება. ყველა გატარებული ოპერაცია გაიგზავნება ერთიან მონიტორინგის სერვერულ პროგრამულ უზრუნველყოფაში. კომპიუტერს აქვს საქართველოს საგადასახადოში მიღებულ ყველა სალარო აპარატის მზარდაჭერა.

4. მთლიანი სისტემის პროგრამული უზრუნველყოფა

სერვერული პროგრამული უზრუნველყოფა განთავსებულია პრეტენდენტის კუთვნილ სერვერზე. პროგრამული უზრუნველყოფაში შესაძლებელია შესვლა მომხმარებლის სახელის და პაროლის შეყვანის შემდგომ. პროგრამულ უზრუნველყოფაში ჩანს აპარატების სტატუსები: გათავდა თუ არა ბარათები შემსვლელ ტერმინალებში, რამდენი ფულია გადახდის აპარატებში. ასევე შიდა რაიზე ხარვეზები როგორც არის სალარო აპარატთან დაკარგული კავშირი, ქსელთან ან შლაგბაუმთან აისახება მონიტორინგის პროგრამულ უზრუნველყოფაში. ასევე პროგრამული უზრუნველყოფიდან შესაძლებელია შლაგბაუმის აწევა და დაწევა. პროგრამულ უზრუნველყოფაში შესაძლებელია ნებისმიერი რაოდენობის მომხმარებლის დამატების. პროგრამულ უზრუნველყოფაში ასევე შესაძლებელია ტარიფების ცვლილება, ტარიფების საშუალებით შესაძლებელია უფასო დროის მითითება, პირველი საათის ღირებულების მითითება, მომდევნო საათების, 24 საათის დგომის ცალკე მითითება. ასევე შესაძლებელია „აბონიშენტის“ შექმნა. აბონიშენტი არის 2 ტიპის: შეღავათიანი და წინასწარ გადახდილი. დაშვების პერიოდი აბონიშენტებზე იქნება დღეების და შესვლების რაოდენობის მიხედვით. პროგრამულ უზრუნველყოფიდან შესაძლებელია საინკასაციო ბარათების დამატება და წაშლა. პროგრამულ უზრუნველყოფას აქვს რეპორტების მოდული რომელშიც შესაძლებელია შემდეგი ინფორმაციის ნახვა:

შესვლების რაოდენობა და გასვლების

მიღებული თანხების რაოდენობა

შემოსული აბონიშენტით კომპანიების რაოდენობა

ყველა ინფორმაციის ამოღება უნდა იყოს შესაძლებელი დღის, კვირის, თვის ჭრილში.



ფასების ცხრილი

[illegible]

მიწოდები ვადა:

[illegible]

ဒွာ(ကသပ်(ဟူဝသး

[illegible]

მზარაობის წინააღმდეგ:

23550 - 20%

